

“The boatsman”, Scots Gaelic song from the late 18th century, author unknown

'S tric mi sealltainn on chnoc as àirde  
 Dh'fheuch am faic mi fear a' bhàta  
 An tig thu 'n-diugh na 'n tig thu màireach  
 'S mar tig thu idir gur truagh a ta mi

Gheall mo leannan dhomh gùn dhen t-sìoda  
 Gheall e siud agus breacan rìomhach  
 Fàinn' òir anns am faicinn ìomhaigh  
 Ach 's eagal leam gun dèan e dìochuimhn'

Fhir a' bhàta, na hóro eile  
 Fhir a' bhàta, na hóro eile  
 Fhir a' bhàta, na hóro eile  
 Mo shoraidh slàn leat 's gach àit' an téid thu

*REF*

Tha mo chridhe-sa briste brùite  
 'S tric na deòir a ruith o m' shùilean  
 An tig thu nochd na 'm bi mo dhùil riut  
 Na 'n dùin mi 'n doras le osna thùrsaich?

Cha'n eil baile beag sam bi thu  
 Nach tamh thu greis ann a chuir do sgios diot  
 Bheir thu lamh air do leabhar riamhach  
 Ghabhail dhuanaig, 's a bhuaireadh nianag

*REF*

*REF*

'S tric mi faighneachd de luchd nam bàta  
 Am fac' iad thu na 'm bheil thu sàbhailt  
 Ach 's ann a tha gach aon dhiubh 'g ràitinn  
 Gur gòrach mise ma thug mi gràdh dhut

Ged a thuirt iad gun robh thu aotrom  
 Cha do lughdaich siud mo ghaol ort  
 Bidh tu m' aisling anns an oidhche  
 Is anns a' mhadainn bidh mi 'gad fhaighneachd

*REF*

*interlude*

*REF*

Thug mi gaol dhut 's chan fhaod mi àicheadh  
 Cha ghaol bliadhna 's cha ghaol ràithe  
 Ach gaol a thòisich nuair bha mi 'm phàiste  
 'S nach searg a chaoidh gus an claidh am bàs mi

*REF*

Tha mo chàirdean gu tric ag innseadh  
 Gum feum mi d' aogas a leig' air dìochuimhn'  
 Ach tha 'n comhairle dhomh cho dìomhain  
 'S bi tilleadh mara 's i toirt lìonaidh

*REF*

Tha mo chriosan air dol an airde  
 Cha'n ann o fhidhlair, na o chlarsair  
 Ach o stiuireadair a bhata  
 'S mur tig thu dhathigh, s' truagh mar tha mi

*REF*

Bidh mi tuille tùrsach deurach  
 Mar eala bhàn 's i an dèidh a reubadh  
 Guileag bàis aic' air lochan feurach  
 Is càch gu lèir an dèidh a trèigeadh

*REF*